

近代中國史料叢刊續編第十六輯
沈雲龍主編

折獄奇聞

葛建初輯

文海出版社
有限公司
印行

折獄奇聞

序

聽訟之難自古已然於今為烈以萬變之人事萬變之人情雜然至前僅一恃一二人耳目聽斷之稍不慎則是非淆黑白混民既受殃已亦造孽加以奸胥惡訟日弄文法假威勢陰伺其隙環攻於旁甚矣其難也故听訟非屏私見持公道熟人情洞世故者不可本局久欲輯古今聽訟之能是四者成為一編為司法界作一補助品然史傳所載文義簡括曲折未能詳盡因刺取古今名家筆記所敘述各奇案輯成四冊署以是名不曰聽訟而曰折獄者蓋一案之起先聽察而後折斷是編所載案經判決者多故也曰奇聞者因所載案情離奇變幻莫可端倪閱之使人驚駭眩異聞所未聞也手此一編於以觀人情勘古故事半而功倍作聽訟之指南讀可作涉君之津梁讀可作茶餘酒後之談助亦無不可也

中華民國六年十月 日編者識

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



折獄奇聞目錄

卷一

葛青天

秦州冤獄

陳湧金案

神告記

蔣適園

千里急

吉安老吏

樊烈婦

可師

昭慶僧

京師指揮

向敏中

香洲先生

泥皂隸破案

姚西垣聽訟

記介休獄

平陽案

訟師

楊武

楊逢春

馬光祖

箬包船

餠餅阿六

猴美人案

失銀案

粵西冤獄

兄弟爭訟

朱竹君斷獄

書涿州獄

判吏新聞

治賊

僧寺求子

徐大令宰蒙陰

滴血

滇省命案

葉參戎

江甸

某甲

仁言

卷二

王廉訪獄

典獄

鈞慝

童子證明悍匪

維亭張小舍

蘇無名

高潛 楊津

胡汲仲

律例之精微

壬甲

李傑

山陽賑獄

趙芥堂

董行成

賈草

雜案三則

張鷟

麻城獄

華亭令戲懲武秀才

張松壽

憚子寬訊案如神

雪冤解獄

韓滉

同宗二獄

治里中某

孟簡

三杖懲奴

汪縣令審斷冤案

崔碣

蘇公辨案

劉宰

陳襄

劉宗龜

新編奇聞

目錄

三

會文堂書局發行

徽商獄

趙和

赤蟹

王別駕傳

殺妻者

鄭生買茶

百菊溪

史案遺聞

莆田完獄

張公昂知鉛山縣

賡總憲獄

德大家宰

甘莊恪官粵

劉方過

李太守燭奸

太原獄

新鄭獄

臙脂

黎世序

盜名出入有冥報

冥獄果報

汪龍莊獄

卷三

董刺史雪冤

驢案

義烏讞案

兄弟爭產

蒲葵扇案

徵漕案

臨海令

劫麥

魯公斬案

羅仙塢令中部

辨子

里豪戕命背約

判訟害金

指腹為婚

書史

獻縣疑案

永新民某

二格

湖口捕快

訊盜

裝鬼翻案

某色甲

私心致怨

温林氏

鮑老國

華邑兩命案

小衛玠

飾童寬獄

某氏子

蔡三

獻縣令之明察

錢縣丞

案情相類

訟師狡猾

廩生某

唐朝事

察訪之害

神斷

神示扼吭

換尸雪冤

陸厨

某中丞

善斷

誘妻致死

錢臨江斷鵝

清苑縣某氏女

杜有美

倪公春巖

石媚娘

卷四

某進士折獄

河南娶婦案

見鬼定案

湯臨川折獄

張佳胤

倉卒治盜

御史失篆

薛捕

宰白鴨

捕盜專恃眼線之誤

折獄須慎

段烈婦

拾遺金

張長生

蘇渙

煮人獄

錢藻

周新異政

吳復

挺為冤婦

李復新

邛天民

張船山先生訊盜

張靜山觀察折獄

剪舌

蕭卞異政

鄉婦計脫夫冤

噎鷄釀禍

刑後脫逃

雪中察盜

逃妾構訟

人情變幻

鄭通判

冥中判獄

爭祖墓

四救先生

奇獄

辨証

全荃

武進盜案

審持刀案

咬舌案

符融

范楨

總轄察盜

書少廷尉張公逸事

片言保赤

應敏齋精于折獄

姑嫂成婚判

兄弟訟田

神示逸犯

縣令主婚

檢屍篇

良吏平反冤獄

恤囚

折獄奇聞卷一

葛青天

蘇州長洲邑宰葛建楚。山東濮州孝廉也。鞠案出奇。辦事如神。一日。有老婦紡織養生。筐盛錢一十二百枚。進城購棉。行至半途。如廁遺溺。將筐置於廁門。適有強人過。攫之而去。老婦大喊。急追不及。老婦哭曰。吾家之所仰賴者。惟此微貲。今為攫去。是絕我命也。乃奔至縣堂。擊鼓。葛公問悉前情。曰。不必飭捕。可于廁上條石。訊得其情也。即差役帶婦領指。廁石。命扛至署。一堂闕然大笑。而差以官命。不得不扛石而歸。稟之于官。懸牌示審。牌內大書某日。審某廁條石。以致闖颺。喧傳為異。至日。民之來觀者。自頭門以至大堂。擁擠無餘。葛公乃坐大堂。命差緊閉大門。諭衆民曰。此間非游牧之區。爾等應安居守業。莫可無故進衙。本欲扑作教刑。念爾等無知愚民。各罰錢一枚。以放之。民以所罰甚微。樂從其罰。各投一錢而去。拾其錢。竟有七八千之多。賞與老婦。以完其案。葛公曰。爾等笑我審石之痴。子不見是婦。乃貧老之婦也。若俟緝獲追給。不知在于何日。老婦命難保矣。不審石。焉得如許人來。今吾于稠人之中。取茲蠅利。以助老婦。所謂眾擎易舉。而老婦又以一失而得七八倍之利。豈不佳乎。然得其錢者不追。則強橫之風益熾。當另飭差認真緝。弋獲追究可也。又有米行失一柳斗。見對門雜貨鋪內柳斗相若。逕往携回。致相爭毆。控之於

官。葛公諷曰。柳斗所值幾何。並無記號。或屬彼行。或屬此鋪。均可使得。今以一柳斗而至。結訟。是罪在柳斗。不在於民也。即抽簽。將柳斗杖責二十板。眾皆駭然。杖畢。葛公出位。詣杖地。視有芝蔴。問曰。兩家誰賣芝蔴。雜貨舖曰。小人舖內賣之。米行人失色。磕頭求恕。葛公曰。冒認他物。本有應得之咎。念係經紀小民。姑從寬宥。由是民皆呼為葛青天。亦不敢以猜疑之事。控案。數月後。真成卧治矣。夫國家之設官也。原以拯民。故事必分緩急。緩則可求其實。急則先治其表。乃能拯民于水火之中。且事必有理。亦必有情。得其理則情乃出。得其情則理乃見。故善於聽訟者。能於案中而推其實。則推之不能。則旁敲側擊。以引之。此可為善於聽斷也。若葛公者。其庶幾乎。蓋亦由其心之靈而生其巧耳。此二事。可以開執政者之智識。亦可杜萬民之狡詐。故識之。

秦州冤獄

秦州某媪。家小康。夫死。遺一女。年及笄。贅于家。女夫婦事媪甚謹。里黨無間言。媪有弟。飲博無賴。常稱貸于媪。稍不如意。輒拍案怒詈。謂厚于婿而薄于己。媪與女皆白眼過之。一日。女早起。見某室雙扉。豁然呼之不應。入視之。則母已為人投死。血流滿地。駭極而號。急呼婿告隣里。共來審視。不知何人所戕也。媪弟適至。素嫌女。且覲其貨。遂指為女夫婦所殺。鳴之官。州牧王公拘二人。掠治。極口稱冤。復以嚴刑訊之。女夫婦不勝其痛。遂誣服。

女凌遲。壻亦論斬。隣里咸知其冤。然畏媪弟攀附。莫敢伸訴也。踰年。六合縣獲盜。招承此案。官以殺人。不刦財。為疑。盜曰。初入室。欲行刦。為媪所執。不能脫。遂刃之。知別室有人。卧。恐為所覺。故逸去。六合令與王牧有連。馳書白之。王以誤入人罪。例欲問抵。驚悸欲絕。陰。囑盜于獄。而諱其事。然每憶此案。神色沮喪。睡夢中。若有人披髮呼號。與之索命。不數月。過心疾而卒。而女夫婦之冤。終不雪。

陳湧金案

陳湧金。四明慈谿人。以販藥川湖起家。生四子。長前卒。次美思。守藥肆於杭。三貢元。多疾。四尚幼。長與三皆娶於吳。以女兄弟為先後。次媪樂。黑脂而媚。如南漢宮人。性狡。僧長子。無嗣。遺一女。曰阿貓。美思有二子。倫序相當。大陳吳氏與阿貓不欲。欲以貢元婦小陳吳氏子為後。且私告所親。樂氏決蕩不堪。以呂易竊也。樂氏切齒。乃詐為夫代子。職就養。無方。湧金本無賴。竟陷以聚賭。自此傾陷。阿貓母子者愈急。值大陳吳氏病寢。樂氏詐為秤藥量水。賺阿貓取炭於劑中。入生鴉片三錢。木鼈子一錢。服後寒戰不止。遂絕。眾者不察。阿貓獨心疑之。哭泣中間。以怨詈。且微及新臺穢跡。樂氏乃與湧金合謀。誣其與長年奴高宏道姦。以鐵籤自口。堪其腦。殺之。乘夜埋於曠野。時令慈谿者。楚人黃兆台。入湧金妹壻葉生言。以殺有罪子孫。寢其事。族中有請檢者。反扑而逐之。慈民大譁。時雲間許仲

元奉過功中丞檄清理積案。寄居府署。一日秋坪即伯倉皇來曰。殷主簿煦自慈谿來。有所聞否。仲元曰。鐵橋現在某先生齋。無所言也。秋坪遣僕邀至。促膝密問之。鐵橋云。惟聞陳姓有故殺女孫一案。閨門事秘。無從悉其委曲。仲元謂秋坪盍遣人消息之。秋坪曰。鐵橋甚精細。尚不能得其委曲。何人可遣。點者任偏私。愚者受蒙蔽。翻豐其部矣。明晨秋坪又來曰。富觀察亦有所聞。頃以詢我。我答以昨有風聞。以未得端倪。不敢遽稟。仲元曰。然則遣人不宜緩。秋坪即商其人於仲元。仲元曰。家人不習地里。胥役叵測。惟計天一閣管書人邵姓充學院吏。明幹忠實。可往。秋坪曰。我亦彷彿識得。即密召之。授以方略。邵曰。陳姓偵探者多。一通泄矣。即乘府署差轎以行。二更通報命曰。胥有戚家隣於陳。託為探戚者。里閭群議頗詳。亦訪於數里同事某家。所言皆同。大約通姦事虛。謀產事實。故殺事亦實。棺埋叢墓處尚存。且聞阿貓所字夫洪姓。現謀赴省上控。秋坪轉告觀察。觀察即囑其提訊。仲元曰。提訊太驟。恐萬一參差。難於轉手。鄙見欲易提為調。均曰甚善。乃飛札慈谿來府。至黃令惑於劣幕某執迷不悟。議三日不決。秋坪乃提府親審。十日而得其要領。廿日而悉其端委。匝月而為鬼為蜮。胥無遁影矣。定案之前夕。秋坪宿城隍神廟之左廂。祈神印證。署中家人周姓。素勤慎。派令守夜。犯證三更後。分別管押。囑周輪視之。至曉乃已。是夕聞門外呵殿聲。意謂主人歸也。恍惚間。中門闌然。一涼輿入。坐進賢冠藍袍者短而

髯。非主人也。驚起瞻之。殊無踪跡。心訝之。不敢言也。初秋坪恭人瞿略解案牘。一切婦女幼孩訊後。均送內衙安頓撫慰之。且誘使盡言。故鞫獄常竊聽。是夕夢見秋坪向東坐。中坐古衣冠人。兩青衣鎖一少女入。白衣衫上血跡如雨點。中坐人略詰問。即飭放之。女起北向叩首。復西向謝秋坪。又前趨一步。東向叩首。若知己之在後也。見秋坪躬身如有所問。神伸三指示之。朦朧間。聞升炮開門。霍然醒。則軍門前明砲也。業遂定。乃以本府單銜請檢焉。時仲元已委權金華令。奉調赴省。邁功中丞清問甚切。乃手疏二十餘條以答。中丞即以付問官。承審者隸華太守。主稿者兼山別駕。提棺至省檢驗。而黃令復百計撓之。賄高自認姦夫。挺身作證。且誣阿貓曾育私胎埋某處。惟工婦陳吳氏獨抱義憤。藏阿貓被難前。三日月布一縛。囑其洗換者。高乃伏罪。陳欲購而毀之。許以百金不動。十室之邑。必有忠信。諒哉。兩吳公推勘周匝。纖悉入奏。惟新臺一節太穢。刪之。定樂氏立斬。美思紋候。趕入秋審。湧金滿徒。高奴流。湧金猶甚。聲明年已七十。例得免罪。驗其監照。乃減年報捐。指駁無可自白也。後部文回。提樂氏監綁。湧金見之。一慟而絕。洵白首同運矣。李三郎遜此情種哉。初秋坪乍蒞。四明頗不理於眾口。至此乃六邑交頌之。好事者至演為雜劇。嚴禁之。始止。黃令部議革職。特旨發軍臺。後過赦。始放歸。

神告記

康熙十六年三月。安西估魏丙。質布上海市中。夜就旅主人宿醉卧。風雨大作。失囊所藏金三百兩。盡先。是旅主人俞甲。相索金估布料其數。而以他事入鄉。屬其季俞乙守舍。至是捕驗賊。不以穴入而以門出。謂乙盜金。乙不知所為。經於梁出古。力救得甦。上海令任君。素善識。至是疑之。方庭鞠時。卧一垂死人。篋間刑無所施。而估失金盡。哀號有如窮猿。獨念此二人者。生與死未可知。然且必根株其人。掠肌膚。折骨肉。以求實。即得實而推求之下。所傷已多。萬一不得。則自今以往。其為無何而受害者。將不止二人也。踟躕久之。命舁去。獨詣城隍廟。禱於神。請以實告。而留捕隨往者。使待命於神寢宮。俗神祠得置寢宮。殿後羅列帷幔。樞中孟屏几如生。而虛其位。時十九日。捕夢伏寢宮下。私念此位中當得神至。而久不至。少選。有幼婦出。呼曰。神已詣縣去矣。留衣賜汝。遂右手抱細女。左手挈衣與之。及接視。則裙襴也。歸以告君。君是夜亦夢神。幘頭緋衣。前接手云。已得賊。而君未知耶。其云神詣縣者。正以神來告是語也。質明。則估又入報。夜分時。賊已還金一百兩。投旅舍去。君是時方疑乙慮罪。或姑還金。至得捕語。則俯首再三。仰而曰。夫賜衣而得裙襴。則非衣也。非衣者。裴也。豈有裴姓其人者耶。捕叩頭曰。似也。問左有裴愛。無藝。不事家人產。其人儼旅舍旁。而得出入其舍。即欲得裴姓。此當是君曰。然則其抱細女者。抑可知矣。夫細女愛女耳。吾聞納音之數。陽姓從左。今左非衣而右愛女。其為裴愛無可疑者。

雖然。吾懼以私臆入人罪。使蹤跡之無實。復命捕詣神再候命。既則捕復夢伏寢宮下。見一吏呼曰。神至矣。至則實其所虛位。已而復入。見前婦出持敗禪與捕。而以米筐遺少僕。隨老僕携去。乃復告所夢與君。君曰是已。仍與禪者果非衣也。敗者已露也。米則八十有八。禮凡出老者先之。今少者繼出。意者賊當敗。續出金八十八兩。遂取裴拷之得實。其狀云。風雨夜先入舍匿盜金。至十九日夢神勅還金。因先投金一百兩。今續存八十八兩。在泮中。餘各有所。遂泗泮得金。定招伏。而追給餘金所未全者。邑人張錫懌曰。晉史載成都令。察奸如神。唐順陽劉君神於摘發。而李果宰洛陽。獨曰古今正人。能達鬼神。則又何與。君秉性正直。往合神聽。且誠於格禱。祇以一念好生之隱。委曲求實。致鬼神聰明。亦委曲覈實以告之。若其解斷明晰。能抉周官掌夢之秘。雖君實多學。然亦君清潔寡嗜慾。神啟其智有如是也。當君初莅時。為七月二十五日。越三日而火燔民居。是日大風作。燎如揚箕。君竊念甫下車。而當及吾民。豈吾實不德耶。徒步拜火所。泥啣於衣。而止焚輪間。風不息而火息。嗟乎。神已。君名辰旦。浙蕭山人。由丁未進士為縣令。

蔣適園

公諱堅。字非穉。號適園。江西鉛山人。精法家言。諸侯爭迎之。代州有大獄。囚繫繫牘可隱人。撫軍檄奇嵐牧甘公辨治。甘聘公往。讞立具。殺七人。釋無辜者百八十人。酒姓娶婦月

餘弟迎姊歸。將入村。失姊。懼。反誣酒氏。官下酒氏翁於獄。七年不決。公從太原返。吏指前樹林曰。此酒氏家也。公心動。駭馬而之乎山凹。有人扃戶博。闚之。一兒覺異。拍髀者肩告之。衆咸惜曰。鬼耳。人則安能來。公馳通。白甘公。纂取鈎距。果髯者所略也。臨汾令某縱吏暴征。民變。棄家登山。撫軍檄澤州牧佟公辦治。聘公行。日驅三百里。至平陽。能屬者裁四騎。山上人如蟻。樹鈎鉏為兵。張旗洶洶。公手令箭而先。周山呼曰。撫軍知爾等良也。為奸胥逼反。特遣佟使君來活汝。宜各寧爾家。有目者視此箭。山上人禁聲稍稍下。公導餘騎入縣廷。瓦礫山積。令從夕室出。率犯法吏六人跪佟前。民環門而翼。欲毆之。公叱曰。勿妄動。有王法在。乃榜吏於庭。血流。民懽噪拜謝去。次日四鼓。牽官吏詣省。白撫軍。撫軍大悅。飲佟酒。而手炙鹿尾。啖公。公幼即以智俠自居。七歲。隨叔父詣法雲堂。聽僧誦經。廡下坐。縣捕數人。私語某寺僧被殺。主名不得。奈何。公辟耳於叔曰。殺人者堂上老僧也。叔訶之曰。渠誦經。屢願不在經矣。故疑之。捕者牽僧去。一訊而服。十七歲。阻風瑞洪鎮。有少年同舟。舟人哺食。少年登岸。再食。再登岸。公疑而跡之。見其躡古廟大鐘下。色焦然。瞠也。曰。余南昌熊白龍家貧。告急於河口戚。不遇。反寄食於舟人。未償其值。而又阻風。舟人將不余食焉。故避此。語畢泣。公亦泣。強入舟。與共食。而資以金。熊感謝遠。邀過其家。見母。誓為兄弟。居亡何。熊來曰。權弟金獲利三倍。今將販。贈臨安。無所託。母妻。故來。弟知吾父有養

子曰蛟乎。素無行。脫有故弟善持之。言畢去。逾年。繒主人執訊來曰。熊某死矣。餘金若干。目且瞑。厲曰。為我報蔣君。公陰念歸熊喪。非蛟不可。而蛟見金必叵測。乃札覆主人。授部署法。遵十日。告熊母。母果遣蛟往。已而召公哭曰。蛟至浙。兒骸已焚。闔然在桶。舟人負之。納我圃。此外不有其藏一錢。奈何。公慰母再三。而身自往圃哭視畢。走出。母牽公袍曰。聞繒主以兒金寄君。金之來由君。然貿易者與有勞焉。盍析半惠老身。公未答。蛟突前。睨曰。須南昌廳事明之耳。公叱曰。何必南昌廳。召二三隣父來。即明也。蛟嘆惜。扁公去。俄而龐眉者六七叟至。公曰。所以囁嚅者。受亡人託。防蛟故也。防蛟為母故也。今母見逼。不得不速明。請詣圃。乃繞桶而號曰。白龍知我。白龍知我。斧之。複底脫。鏡三具墮地。光瑩瑩然。鎔金也。裹以薄券。取視。感泣。歎老嫗目昧不知人。未幾。蛟果竊金遁。公有神力。而敏於為善。遇盜許昌。兩騎截路中。五行劫。公怒。射一人顛。再發。再顛。盜驚。舍所劫者。搏公。公縱馬入。刺殺一人。馬逸。公仆。躍起。復殺二人。餘盜乃竄。被刳客為公。牽馬出林。羅拜問姓名。去。又嘗行岢嵐道中。兩峯夾溪。天暴雨。泥沒馬鼻。有婦抱兒騎。一童子負策從。公慮其溺。救之。非錢莫以也。乃解數緡掛馬首。須臾。婦溺。童子驚亦溺。公大呼。救者贈錢萬。搖其繩。錢鏘鳴。塗人應聲往。皆掖之起。送寧其家。公四十六歲。始娶鍾夫人。生子士銓。官編修。公捐館時。年七十一歲。猶及見士銓舉於鄉也。

千里急

陳懋仁泉南雜志云。城中一夕被盜。捕兵實為之招。直巡兩兵。一以左腕。一以胸次。俱帶黑傷而不腫裂。謂賊棍毆。意在抵鋒。當事督責司捕。辭甚厲。余意棍毆處。未有不致命且折。亦未有不腫且裂者。無之。是必贗作。問諸左右曰。吾鄉有草可作傷色者。爾泉地云何。答曰。此名千里急。余令取搗碎。別塗兩人如其處。少焉成黑。以示兩兵。兩兵愕然。遂得奸狀。自是嚮道絕。而外客無所容矣。

吉安老吏

吉安州富豪娶婦。有盜乘人冗雜入婦室。潛伏床下。伺夜行竊。不意明燭達旦者三夕。飢甚奔出。執以問官。盜曰。吾非盜也。醫也。婦人癖疾。令我相隨。常為用藥耳。宰詰問再三。盜言婦家事甚詳。蓋潛伏時所聞枕席語也。宰信之。逮婦供證。富家懇免不從。謀之老吏。吏白宰曰。彼婦初通。不論勝負。辱莫大焉。盜潛入突出。必不識婦。若以他婦出對盜。若執之。可見其誣矣。宰曰善。選一妓威服與至。盜呼曰。汝邀我治病。乃執我為盜耶。宰大笑。盜遂伏罪。

樊烈婦

烈婦姓張氏襄城人也。家世忠貞節義。聞於遠邇。及笄。適同邑樊廷柱。生子二。曰盛曰茂。

而廷柱卒。烈婦撫二子，誓守，足不踰戶。廷柱父歿，與廷柱弟宣同居以養其姑。七年矣。同里有王荊州，王習武者，皆兵家子，素無賴，兇暴橫里閭，聞烈婦美色，艷悅之，不得間，康熙士申四月，宣與姑同赴村穫麥，二子方就塾師，因與二子居城中。二十四日巳刻，荊州窺二子入塾，知其家無他人，乃與習武直入其室，烈婦大驚，急走避，曰：「若何為？」荊州直前持之，烈婦大呼且罵，習武扼其吭，嚇曰：「從則活，否則死。」烈婦曰：「死耳，強犯之，時惶急，烈婦取菜刀，堪其面，荊州奪擲地，烈婦疾入寢室，合扉不及，乃抽牀頭刀，刀長，操其室，方出，而習武從後掣其肘，又奪之，於是兩賊共曳烈婦伏地，伏輒躍起，屢伏屢起，掉其髮，髮纏纏脫，而烈婦呼罵聲益急，輾轉逾時，終不得犯，將舍去，荊州固恨甚，又恐洩，遂以所抽刀斫其額，血迸出，淋漓遍體，倒於地，猶罵不絕口。習武復以菜刀斫其喉，烈婦死，且走，恐或復甦，更以巨石壓其胸，踉蹌出門去。時日方午，二子自塾歸，見母被殺狀，號哭奔告地方曹青雲來驗視，青雲亦知其被殺，而恐累已，遽以自刎鳴於官。時令襄者為金溪許子尊，遂置不問。事且已，宣通與烈婦兄本洽，憤其事，訟之。至五月四日，令乃率伴作至其家，檢驗，距烈婦死旬有一日矣。天且溽暑，啟其棺，面如生，鮮蛤如新，額上刀痕，直貫其頂，喉橫斷，深寸餘，決非自刎者。令不得已，乃令青雲蹤跡賊，方烈婦被殺時，其隣人有見荊州習武身帶血跡，倉皇自其家出者，然不敢言，言攻之，而里巷間嘖嘖私語，咸指目兩人。青雲

乃以荊州習武供比逮訊。兩賊各不承。將刑。而荊州父故悍卒。突前噴目咆哮。以為無端誣其子。擄荊州去。令無誰何也。因罷訊。自是都司康宜壽守備劉伏振。力持之。曲為庇護。加以囑賄。令素昧營弁。不強爭。久且依倚為奸。於是宣本訟控於各上憲。檄下嚴訊。令定訊期。約在十餘日後。邑人咸計日而望。不能待。比及期。則改期又十餘日。期凡三數易。而詭變百出矣。及訊。忽有成卒黃應魁四人。證習武是日同在靈樹堡戍。所去城數十里。王雲等五人。證前數日與荊州同持羽檄赴南陽。在三百里外。宣本訟力辨其詐。青雲亦詰習武荊州言。是日與兩人凡數見。在何處作何語。皆鑿鑿有據。兩人語塞。而應魁等九人。關於堂上。會日亦暮。罷訊。令遂以靈樹南陽及應魁等姓名。具詳於上。宣本訟益憤。而烈婦英靈不死。風雨晦冥。家人恍惚。若見其出沒。或時聞其歎息聲。昏夜無形無聲。與家人述其過害事甚悉。且言賊終必正法。宣本訟志益銳。屢控屢奉嚴檄。務期得賊。令乃與營弁謀。不坐張氏及宣罪。以杜其口。則控不已。於是令聽言曰。此必張氏有淫邪行。故致此。且殺人者非他人。必宣也。已而訊於城隍廟。邑耆紳若士聞之。大譁。數十百人共前爭之。令仍執前說。衆曰。張氏累世忠貞節義。且烈婦貞潔之操。里黨所共聞知。安得以此相污。吾等願各以百口誓神。白烈婦冤。令慚汗不能答。衆又曰。坐宣殺人何據耶。令曰。按律有叔殺嫂罪。則為宣殺無疑。衆曰。律之罪何所不有。律無強盜逼奸殺人罪耶。律無故縱強

盜殺人失出罪耶。語侵令。令惶謝曰。公等退行為緝賊。自是不復為此言。遷延二歲餘。縉紳若士。或懇請。或憤爭。令惟以婉言相應。然卒牢不可破。自此獄益鮮。荆州習武且釋去。其後令緣他事被劾。以罪罷。署篆承審。皆以事不由己。一仍前轍。及黔中劉公子章來令襄。則事已四載。且注銷矣。常憾其事。欲復理之。會河道周公銓元署臬司事。翻閱前案。曰。此事何為疑獄。城中殺人。非荒郊比。且日午。非昏夜比。賊有主名。非捕風捉影比。種種弊竇。置之不理。令死者含冤。生者漏網耶。遂檄縣嚴覆。劉公立逮諸囚。而荆州兩月間。忽發狂大叫。歷言與習武逼奸殺人事。已遽曰。天殺我。遂自經死。獨習武就鞫。劉公方嚴殺直。久為營弁所憚。不敢以私干。及廷讞。營卒亦無一人敢相窺者。習武勢孤氣懾。未及刑。一訊即伏。獄具。巡撫都御史上其事。為烈婦建貞烈坊。而斬習武於市。

可師

歸安之西偏有豐登庵。僧名可師。以戒律自名。鄰村一婦人素與僧通。會值春社。婦濃妝艷抹。至寺中燒香。僧引入房與狎。事已相抱而睡。適社長來問殿上緣事。小沙彌尋入。並不見僧。但見牀前繡履一雙。與僧履在地。遂近前揭其帳呼之。僧驚悟。見沙彌大怒。遂起擒之。沙彌泣訴其誤犯之由。僧轉益驚訝。顧隣婦曰。汝善守之。勿聽其出也。遂去。少頃復入。縛沙彌以綿塞其口。答死。是夕留婦宿菴中。人靜後共昇尸。啟後扉出。投一廢井內。以

瓦礫覆焉。次日。以沙彌為母家所誘。竊物潛逃。控於官。官納僧賄。拘其父刑訊。責令交出沙彌。顧其父實無從尋訪。訟繫者逾兩月矣。時梅雨乍晴。有數小兒於菴後鬪草為戲。忽見井上一小蛇蜿蜒。羣起逐之。蛇入於井。一兒趨窺之。帽落井中。兒即取穉竹一竿。撩之。帽已沈矣。再掉之。則一足翹起水面。須臾尸首浮出。大慰。投竿奔告其父。父即呼隣保共往。相與撈起。其尸猶不腐。徧體傷痕。隱如刻劃。而面目宛然可辨。遂共鳴於官。邑令至。驗尸。係管死者。詢僧曾有控案在。總捕府即飭役往取成案。反覆久之。呼二役往搜其寢。無所得。既至佛座後一套房。其中床榻衾帳。皆極綺麗。顧亦無他物。惟抽屜中有辮髮一根。以呈。並縷述房中華褥狀。令呼僧。問以此處緣何而設。此物更何用處。僧對不知。令曰。然則汝亦知殺汝之徒者乎。僧又言不知。令乾笑曰。汝雖不知。然兇手則有在矣。遂用夾訊僧。絕而復甦。猶堅不肯承。令怒。命再刑之。忽顧見人叢中。一少婦低頭搵淚。趨喚至案前。詰之曰。此何地也。而汝卻來此垂淚。對曰。妾本師之隣家。見其不勝拷掠。故不覺慘然。令曰。然則視僧之拷掠其徒何如。爾時汝何忍立視其死耶。婦駭言。此事與妾無干。令大怒。命拶之。僧在旁睹其宛轉嬌啼。心痛如割。遂前承所以斃其徒者。且曰。事雖由於姦情。但當斃命時。此婦實不在側。刀山劍樹。小僧一身當之足矣。令笑曰。今日汝可謂大發慈悲矣。因並繫其婦去。案既定。斬僧於市。婦擬監候絞。年餘病死獄中。相傳行刑時。砍至第七